

09.03 MARELLA

Da visiunaris, dad umens cun ina vista globala e curaschi

Il 1873 han ins cumenzà a Flem a bajegiar in hotel generus. Per Guido Casty, ch'è en la suprastanza communal e responsabel per il turissem, è quai il cumenzament dal turissem a Flem. Cun l'avertura da l'hotel il 1877 han ins parallel fundà l'organisaziun turistica.

L'emprima chasa, il Waldhaus, è vegnida inaugurada il 1877 en in parc da 200'000m² cun prads e guaud enturn, aua currenta en cuschina, 120 letgs, ina resgia, posta cun stallas ed ustaria, lavandaria, uigl cun vatgas, lingia d'aua, infrastru-



ra per far bogn en il Lag la Cauma ed ina rait cun sendas per flandar. Enturn la sava dal tschientaner han ils responsabels gi ulteriurs gronds plans per engrondiments. Els han per quel temp gi l'idea singulara da scriver ora ina concorrenza d'architectura, di Jo Müller en la «Marella». Jo Müller è stà 16 onns directur da l'hotel ed el ha perscrutà l'istorgia da quel. Gudagnà la concorrenza ha in Grischun. Il 1904 è la nova chasa cun il num Casino (oz Pavillon) vegnida averta.

Redacziun: Claudia Cathomen